

Ընթերցողների ուշադրությանը ներկայացվող հետազոտությունների այս ժողովածուն «Հայ էսթետիկական մտփի պատմությունից» մատենաշարի երկրորդ գիրքն է: Այստեղ գետեղված են XIX դարի վերջի և XX դարի սկզբի հայ էսթետիկական մտփի տարբեր ներկայացուցիչների հայացքների վերլուծությանը նվիրված ուսումնասիրություններ:

Ժողովածուի նյութերը ներկայացնում են հայ էսթետիկական մտփի այդ շրջանի մինչև այժմ փչ հայտնի, երբեմն էլ բոլորովին շուսումնասիրված դեմքեր և փաստեր:

Այսպես, Նղիա Տեմիրեհիպաշյանը արևմտահայ այն գործիչներից է, որի հարուստ և բազմակողմանի գրական ժառանգությունն իր ամբողջության մեջ դեռևս փչ է ուսումնասիրված: Լայն ընթերցողին անհայտ է առավելապես նրա էսթետիկական հավատամբը: Այդ իմաստով Տեմիրեհիպաշյանի էսթետիկական հարցադրումների լուսաբանումը հնարավորություն է տալիս լրացնել հայ էսթետիկական մտփի պատմության ևս մի էջ, մյուս կողմից՝ նոր լույս է սփռում այդ շատ հետաքրքիր և միաժամանակ բարդ հեղինակի ամբողջ ստեղծագործության վրա:

Վրթանես Փափազյանի էսթետիկական հայացքների մենագրական բնույթի ուսումնասիրությունը՝ հայ դեմոկրատ գրողի էսթետիկական ըմբռնումների ու հարցադրումների վերլուծության առաջին լուրջ փորձն է: Հեղինակը նյութը շարադրում է դարաշրջանի էսթետիկական հայացքների լայն ֆոնի վրա՝ մի բան, որ հնարավորություն է ընձեռում ոչ միայն բնութագրել Վ. Փափազյանի ուսումնասիրվող հայացքները, այլև որոշել նրա տեղն ու նշանակությունը այդ շրջանի հայ էսթետիկական մտփի պատմության մեջ:

«Մուսն» ամսագրի էջերում ռեալիզմի էսթետիկայի հարցերի

արտացոլման ուսումնասիրությունը նույնպես առաջին անգամ է դառնում բննարկման առարկա, քեև «Մուրն» ամսագիրը տարբեր առումներով հետազոտվել է:

«XIX դարի վերջի և XX դարի սկզբի հայ նկարիչները էսքետիկայի հարցերի մասին» հոդվածը նշված ժամանակաշրջանի հայ արվեստի ներկայացուցիչների էսքետիկական հայացքների բնութագրմանը նվիրված հոդվածաշարից երկրորդն է (առաջին հոդվածը՝ «XIX դարի վերջի և XX դարի սկզբի հայ կոմպոզիտորների էսքետիկական հայացքները», գետեղված է «Հայ էսքետիկական մտքի պատմությունից» ժողովածուի 1-ին գրքում, ՀՍՍՀ ԳԱ հրատարակչություն, Երևան, 1974): Հոդվածում փորձ է արվում ընդհանուր գծերով լուսաբանել այն ժամանակի հայ նկարիչների տեսական հարցադրումները, որոնք դուրս գալով լույս արվեստագիտության շրջանակներից, ստանում էին ավելի լայն՝ էսքետիկական նշանակություն:

Հաջորդ հոդվածը՝ «Ճշմարիտը և գեղեցիկը Տիրան Ջաֆյանի էսքետիկայում» ընթերցողներին ներկայացնում է մինչև այժմ սակավ ուսումնասիրված՝ ինֆնատիպ հեղինակ Տիրան Ջաֆյանի էսքետիկական հարցադրումները: Ի դեպ, նա հայ իրականության մեջ իմպրեսիոնիստական էսքետիկայի ներկայացուցիչներից մեկն է:

Ժողովածուում հետազոտվող ժամանակաշրջանը՝ հանուն ռեալիզմի հաղթանակի մղվող սուր պայքարի շրջան էր և այս գրքի նյութերը որոշակի պատկերացում են տալիս այդ պայքարի մասին: